

傷寒兼症析義

傷寒古鑑

傷寒舌鑑

傷寒魚鱗析義附

自序

嘗讀仲景書。止言舌白胎滑。並無黃
黑刺裂。至金鏡錄。始集三十六圖。逮
後。觀舌心法。廣至一百三十有七。何
後世證變之多。若此。寧知傷寒自表
傳裏。舌胎必由白滑。而變他色。不似

伏邪瘟疫等。熱毒自內達外之一病。
便見黃黑諸胎也。觀仲景論中。一見
舌白胎滑。即言難治。安有失治而致
變者乎。所以仲景止言白胎已見一
班。不煩瑣屑。後人無先聖治未病之
能。勢不得不反覆辨論。以啓蒙昧。蓋

邪氣入裏。其虛實寒熱之機。必現于
舌。非若脉法之隱而不顯也。况陰盛
格陽。與邪熱鬱伏。多有假證假脉。惟
驗舌上胎色之滑燥厚薄。昭若冰鑑。
無所遁形。由是取觀舌心法。正其錯
誤。削其繁蕪。汰其無預于傷寒者。而

傷寒舌鑑目錄

白胎舌 二十九圖

黃胎舌 一十七圖

黑胎舌 一十四圖

灰色舌 一十一圖

紅色舌 二十六圖

紫色舌 一十二圖

黴醬色胎舌 三圖

藍色胎紋舌 二圖

妊娠傷寒舌 六圖

綠... 六圖

藍... 二圖

紫... 三圖

赤... 六圖

黃... 六圖

黑... 十一圖

白... 二十四圖

青... 二十一圖

赤... 二十五圖

目錄終



傷寒舌鑑

清

長洲張

登誕先彙纂

同邑邵

之鵬三山較

日本

大泉前田安宅子仁

男

典子守

訂

白胎舌總論

傷寒邪在皮毛。初則舌有白沫。次則白涎。白
~~白~~。有舌中舌尖舌根之不同。是寒邪入經之微甚也。舌乃心
之苗。心屬南方火。當赤色。今反見白色者。是火不能制金也。
初則寒鬱皮膚。毛竅不得疏通。熱氣不得外泄。故惡寒發熱。
在太陽經。則頭痛身熱。項背強。腰脊疼等證。傳至陽明經。則
有白屑滿舌。雖證有煩躁。如脉浮緊者。猶當汗之。在少陽經

存心

思身堂藏

者。則白胎白滑。用小柴胡湯和之。腎虛者。理中湯温之。如白
色少變黃者。大柴胡。大小承氣。分輕重下之。白舌亦有死證。
不可忽視也。

白胎舌鑑

口木


大泉蘭田安字子子

同色相 大德三山輝


女洲 登城決竟

白胎舌鑑

薄白滑胎舌



微白滑胎舌




寒邪初入太陽。頭疼身熱惡寒。舌色微白有津。香蘇散羌活湯之類發散之。

此太陽裏證舌也。二三日未會汗。故邪入丹田漸深。急宜汗之。或太陽與少陽合病。有此舌者。柴胡桂枝湯主之。


厚白滑胎舌

厚白



乾厚白胎舌


乾厚白




病三四日。其邪只在太陽。故胎純白而厚。却不乾燥。其證頭疼發熱。脉浮而緊。解表自愈。

病四五日。未經發汗。邪熱漸深。少有微渴。過飲生冷。停積胸中。營熱胃冷。故令發熱煩躁。四肢逆冷。而胎白乾厚。滿口白屑。宜四逆散加乾薑。

白胎黃心舌



白胎黃邊舌





此太陽經初傳陽明府病舌也。若微黃而潤宜再汗。待胎燥裏證具則下之。若煩躁嘔吐大柴胡湯加減。亦有下淡黃水沫無稀糞者。大承氣下之。

舌中見白胎。外有微黃者。必作泄。宜用解毒湯。惡寒者五苓散。

(Faint bleed-through text from the reverse side of the page)

白滑胎尖灰刺舌



乾黑胎白心舌



此陽明府兼太陽舌。其胎邊白中心乾黑者。因汗不徹。傳至陽明所致。必微汗出。不惡寒。脈沉者可下之。如二三日未曾汗。有此舌必死。

此陽明府兼少陽舌也。三四日自利。脈長者生。弦數者死。如有宿食。用大承氣下之。十可全五。


白胎滿黑刺乾舌 白胎滑黑心舌



白胎中生滿乾黑芒刺。乃少陽之裏證也。其證不惡寒反惡熱者。大柴胡加芒硝急下之。然亦危證也。


白胎中黑。為表邪入裏之候。太熱讖語。承氣等下之。倘食復而發熱。或利不止者難治。

半邊白滑舌




白胎見於一邊。無論左右。皆屬半表半裏。並宜小柴胡湯。左加葛根。右加茯苓。有欬嗽引脇下痛。而見此舌。小青龍湯。夏月多汗自利。人參白虎湯。

藏結白滑舌




或左或右。半邊白胎。半邊或黑或老黃者。寒邪結在藏也。黃連湯加附子。結在咽者。不能語言。宜生脈散。合四逆湯。可救十中一二。

白胎黑斑舌




白胎燥裂舌




白胎中有黑小斑點亂生者。乃水來尅火。如無惡候。以涼膈散承氣湯下之。十中可救一二。

傷寒胸中有寒。丹田有熱。所以舌上白胎。因過汗傷營。舌上無津。所以燥裂。內無實熱。故不黃黑。宜小柴胡加芒硝微利之。

舌根黃尖白



舌根黑胎白



舌胎白而根黑。火被水尅之象。雖下亦難見功也。

邪雖入裏。而尖白未黃。不可用承氣。宜大柴胡湯加減。下後無他證。安卧神清可生。倘再有證多凶。

白胎中宜黑小痰辨辨去痰八